



SYARAT-SYARAT LESEN PERMAINAN VIDEO "PLAY STATION"

1. TAKRIFAN

- 1.1 "**Mesin video**" ertinya apa-apa mesin, yang dikendalikan dengan syiling atau cakera, yang direkabentuk untuk membolehkan pengendalinya bermain permainan video.
- 1.2 "**Permainan video**" termasuklah apa-apa jenis permainan yang direkabentuk sedemikian yang dikendalikan melalui mesin video.

2. PEMOHON

- 2.1 Warganegara Malaysia dan Berumur 18 tahun ke atas
- 2.2 Berkemahiran dan mempunyai pengetahuan yang luas dalam bidang ini serta boleh menguruskan premis ini dengan teratur dan mengikut peraturan.

3. PREMIS

- 3.1 Premis (bangunan) yang diluluskan oleh MDKL dengan Sijil Layak Menduduki Bangunan (CCC) dan sebarang pengubahsuaian ke atas bangunan hendaklah mendapat kelulusan Majlis.
- 3.2 Permainan video "play station" dibenarkan beroperasi di kawasan berikut:
 - a) Hotel
 - b) Kompleks Perniagaan/Beli-belah
 - c) Rumah Kelab
 - d) Rumah Kedai/Kedai Pejabat (Tingkat bawah)
- 3.3 Permainan video "play station) tidak dibenarkan beroperasi berhampiran dengan kawasan-kawasan sensitif seperti:
 - a) Masjid / Rumah Ibadat
 - b) Lain-lain kawasan yang ditetapkan oleh PBT

3.4 Menyediakan kelengkapan keselamatan premis yang sesuai dan lengkap mengikut Jabatan Bomba dan Penyelamat.

3.5 Menyediakan tandas awam berasingan bagi lelaki dan perempuan.

3.6 Tempat letak mesin permainan video "play station" perlu sesuai dan di ruang terbuka dan tidak boleh berbilik dan berpintu.

4. SYARAT-SYARAT AM

4.1 Permohonan lesen melalui borang yang ditetapkan dan sah lesen sehingga 31hb Disember setiap tahun.

4.2 Menyediakan tong sampah yang mencukupi dan menjaga kebersihan setiap masa.

4.3 Menyediakan notis larangan seperti Merokok, Pakaian seragam sekolah dan Notis waktu operasi.

5. SYARAT-SYARAT KHUSUS

5.1 Pemegang lesen adalah bertanggungjawab untuk memastikan tiada sebarang aktiviti kurang sihat berlaku di premis tersebut.

5.2 Mengambil langkah untuk memastikan terdapatnya ganti udara dan pencahayaan yang cukup serta hendaklah menyebabkan tiap-tiap cara ganti udara / pencahayaan buatan itu dijaga dalam keadaan baik dan boleh digunakan di tempat premis berlesen itu

5.3 Tidak dibenarkan menambah atau menukar aktiviti perniagaan yang telah dilesenkan tanpa kelulusan Majlis

5.4 Waktu Operasi : Dibenarkan operasi dari 10.00 pagi hingga 12.00 tengah malam sahaja.

5.5 Pengunjung hanya dibenarkan berumur 12 tahun keatas. Bagi yang berumur 12 tahun ke bawah dibenarkan dengan ditemani penjaga yang sah.

5.6 Pengunjung berumur di bawah 12 tahun hanya dibenarkan sehingga pukul 10.00 malam sahaja.

5.7 Menyediakan buku rekod kemasukan pelanggan bagi disemak oleh pihak berkuasa pada bila-bila masa.

5.8 Pihak Majlis Daerah Kuala Langat boleh mengarahkan tindakan tutup jika pemegang lesen melanggar syarat-syarat yang ditetapkan.

5.9 Menyediakan ruang rehat yang mencukupi bagi pelanggan.

6. LARANGAN

6.1 Keadaan premis perlulah terbuka dengan sistem pencahayaan yang terang dan penggunaan cermin gelap adalah **DILARANG**.

6.2 Sebarang iklan atau apa-apa kertas adalah **DILARANG** menampal di cermin atau pintu boleh menghalang padangan di luar premis.

6.3 Penjualan / membawa masuk rokok / minuman keras adalah **DILARANG**.

6.4 Aktiviti perjudian, melihat gambar lucah, muzik (pipe musik), dan penjualan bahan-bahan bercetak khususnya yang mengandungi unsur-unsur negatif adalah **DILARANG**.

6.5 Pekerja asing **DILARANG** bekerja di premis ini.

PERINGATAN

****Segala arahan daripada Yang Dipertua atau mana-mana pegawai Majlis ini yang diberi kuasa hendaklah dipatuhi dari masa ke semasa.**

Disediakan Oleh :

Jabatan Pelesenan dan Kesihatan Persekitaran
Majlis Daerah Kuala Langat